



UNIVERSITÄTS-
BIBLIOTHEK
PADERBORN

Universitätsbibliothek Paderborn

Instructio practica ...

Institutiones Qvintvplicis Theologiæ - Positivæ videlicet, Asceticæ,
Polemicæ, Speculativæ, & Moralis complectens, Unà cum Appendice
Methodum compendiariam reformationis Ecclesiasticæ à Concilio
Tridentino factæ continente

Lohner, Tobias

Dilingæ, 1679

Cap. V. De Sacrificio Missæ.

[urn:nbn:de:hbz:466:1-48233](https://nbn-resolving.org/urn:nbn:de:hbz:466:1-48233)

ante & approbante Episcopo, qui Theologos in consilio
adhibet. fess. 25. de invocatione Sanctorum, reliquiis, & SS.
imaginibus.

II. Si dubius aut difficilis sit abusus, aut questio gra-
vior, Concilii provincialis sententiam expectet, nihil autem
insolitum in Ecclesia, Pontifice inconsulto, decernatur,
ibidem.

CAPUT IV.

DE INDULGENTIIS.

I. In concedendis Indulgentiis moderationem haberi, S.
Synodus cupit. fess. 25. de Indulg.

II. Pravi questus pro his consequendis aboleantur,
alii abusus ex superstitione, ignorantia, irreverentia prove-
nientes ab Episcopo in prima Synodo provinciali referantur,
& statim ad Pontificem deferantur. ibidem.

III. Quæstores, elemosynarii, sive quæstuarii nec
per se, nec per alium prædicent. fess. 5. c. 2. Eorum nomen at-
que usus penitus aboleatur, non obstantibus privilegiis &
consuetudinibus quibuscunque. fess. 21. c. 9.

IV. Indulgentias & alias Spirituales gratias Ordini-
arii adhibitis duobus de Capitulo publicent; iidem ele-
mosynas & sponte oblata charitatis subsidia gratis colligere
possunt. ibidem.

CAPUT V.

DE SACRIFICIO MISSÆ.

A. Busus, qui ex avaritiâ, superstitione, vel irreverentia
irrepperunt, Episcopi tollere, sedulo curent, ac tene-
antur. fess. 22. de observandis & evitandis in celebra-
tione Missæ.

II. Conditiones, pacta, & quidquid pro Missis novis
celebrandis & importunas elemosynarum exactiones, alia-
que similia prohibeant. ibid.

III. Interdicant, ne cui vago celebrare liceat. ibi-
dem.

IV. Nullum peregrinum sine sui Ordinarii litteris ad
divina

divina celebranda aut Sacramenta administranda admittant. sess. 23. c. 16.

V. Publicè & notoriè criminosos altari ministrare aut Sacris interesse ne permittant. sess. 22. decret. de obl. & ev. in celebr. Missæ.

VI. Privatis in domibus atque extra Ecclesiam & oratoria ab ipsis ordinariis designanda & visitanda Sacrificiis ne sinant. ibidem.

VII. Ab Ecclesiis Musica lascivas, sæculares actiones, vana atque ad eò profana colloquia, deambulationes, strepitus, clamores arceant. ibidem.

VIII. Caveant, ne Sacerdotes aliis, quàm debitis horis celebrent; ne ritus aut ceremonias & preces ab Ecclesiis non receptas adhibeant. ibidem.

IX. Missarum & candelarum numerum, superfluum removeant. ibidem.

X. Doceant populum de sacrificii hujus fructu, & memorent, ut frequenter ad suas Parochias saltem diebus dominicis & majoribus Festis accedant. ibid.

XI. Hæc & quæcunque alia huc pertinere visa fuerint, ipsi ut delegati Apostolici mandent, corrigant, statuant, sub censuris & pœnis arbitrariis, non obstantibus privilegiis, appellationibus, & consuetudinibus quibuscunque. ibidem.

XII. Ubi tantus est Missarum numerus pro defunctis, ut illis pro singulis præscriptis diebus satis fieri nequeat, vel elemosyna pro illis nimis est tenuis, possunt Episcopi Synodo diocesana: item Abbates & Generales ordinum Capitulis generalibus statuerè, quidquid viderint expedire, ita tamen, ut eorum defunctorum semper commemoratio fiat, qui legata reliquerunt. sess. 25.

CAPUT VI.

DE SACRAMENTO ORDINIS.

§. I.

De Prima Tonsura & ordinibus minoribus.

I. **P**rima tonsurâ non initiatur, nisi confirmati, & crea-